



90627

光緒五年鑄

精
文
金

襄
昇
閣
減
板

傳

同治元年二月菘耘季先生卒於海虞之李市初先生長子毓通才而天獨仲子守敬持門戶咸豐十年八月守敬死寇難先生詣予書曰不幸在賊境無所得食老妻孀婦日抱孤孫涕泣以是藐茲者終何所託也予未及報而先生逝矣悲夫先生太倉季氏諱錫疇字範卿號菘耘明觀察竹嘯公德甫裔孫曾祖龍益州學生祖應麟國學生考坊字昂干生二子長卽先生自爲諸生不喜制舉業而獨嗜書家事一不

傳

嘗省輒以束脩所入購書尤喜觀唐宋以下及近世文集其爲文章一宗歸太僕而盛推同邑馮仲廉先生爲近代作手嘗受業李養一先生之門與海虞邵淵耀趙允懷以文字相切劘故其業益工自弱冠授徒海虞海虞人爭延致之其碑版傳記出先生手者居多罟里村瞿氏蓄宋元秘本書數千卷聘先生與王君寶之纂書目若干卷書成刊板未竣而遭亂遂避地於李市越二年卒年七十有二先生館石墩顧氏最久一日縣吏索逋稅急主人亾攝先生肩公解

邑人大譁令恐欲釋之或謂先生宜勿出藉索縣吏
金先生不聽令慙置酒謝因飲極歡而罷州行鄉飲
酒禮舉先生爲寶峻却之其介介如此先生論文嚴
予以所爲文是正先生輒見許可嘗謂予曰異日君
必爲吾作傳勿有所稱述第言其人他無所好惟以
書爲性命而已故掇其厓略而爲之傳不敢有所緣
飾以誣故人也著有菘耘文藁百餘首予爲度藏之
同里晚學葉裕仁拜誤

傳

二

菘耘文鈔目錄

卷一

序 贈序 共十首

卷二

記 七首

卷三

書 三首

卷四

題跋 傳 墓碣 共三十二首

菘耘文鈔

目錄跋

一

同治元年菘耘先生避難昭文之李市予時僑寓海門郵書索其文集得草藁一冊塗乙竄改漫無詮次予略爲編定倩友人錄而存之恐先生之文不止此也中又有少年之作先生所不欲存者曾與虞山張君仁卿遴擇若干首欲刊之而未果予老矣先生孫世箕又貧甚日久恐遂湮沒乃集資授之梓人仁卿及石墩顧氏畧里瞿氏吾鄉管君倚巖錢生湖耆兄弟皆有所助刊成五十餘首以資繼而止此外可傳者尚

多噫先生貧老不得志而沒平生精力頗萃於
此倘廣爲搜羅汰其少作彙而刊之庶可慰先
生於泉下也夫是不能無望於世之同志者焉
光緒四年十月既望葉裕仁跋

菘耘文鈔

目錄跋



次論四事十日精望葉裕仁跋
生於泉下也夫是不能無望於世之同志者焉
光緒四年十月既望葉裕仁跋

菘耘文鈔卷一

太倉季錫疇著

序

支溪詩錄序

虞山東南巨鎮曰支溪白茆貫其橫鹽鐵塘貫其從
 溪爲白茆支流故曰支元人有云芝者陳見復先生
 嘗辨其非昔年海道通利民物富庶繁華之象不亞
 都會入 國朝白茆屢濬屢塞而支溪亦形凋敝然
 文人學士遞衍不衰自細二翁來補溪顧氏之族代
 有聞人逮虞東先生以經術爲鉅儒東南人士奉爲
 菘耘文鈔 卷一 一

大師時則二山何氏南村徐氏象川張氏來自崇川
 少霞周氏古愚姚氏起自里中皆刻志媚學揖讓古
 賢以主持風雅爲職志而褰裳聯襪以趨壇坫者接
 踵而興號稱極盛迨諸老徂謝則有吾師徐石渠先
 生姚丈柳塘搢柱其閒文人不絕近則趙子閭鄉爲
 館甥於顧旋卜居其地毅然以斯文爲己任四方名
 士往來如織嘗招其友張子眉叔吳子韋庵及余館
 於其家維時里中則有周氏菘疇子商姚氏厚增有
 筠張子心陶周生子馨等朱君肖梅爲姚之自出亦



數來里中相與跌宕文史流連風月或分題刻韻或
讀畫評書意見互岐則往復辨難齒擊目張極酣嬉
淋漓之致故老見之謂詞壇勝事不減昔年噫亦盛
矣閭鄉夙工撰著尤畱心邑中文獻嘗搜采邑人士
詩嚴爲抉擇曰虞山詩錄命余輯文錄皆斷自 昭
代已什得六七周生姚子復廣采里中詩請其甄別
故支溪詩別錄成編先付剞劂未訖工而閭鄉遽以
七日不汗而死矣於瘁傷哉諸君子亟葺其事以肩
叔與余爲素心交也誣諉校訂且曰序非子莫屬余
菘耘文鈔 卷一 二

撫卷歎皇不勝盛衰聚散之感執筆歛歛而不能下
也雖然虞山古稱文學鄉支溪一隅山川靈秀實鍾
毓焉士食舊德芳菲未沫異日必有繼閭鄉之緒而
起者則是編之輯所以闡往哲啟方來其義可深長
思已嗟乎閭鄉往矣幸有一二遺書令後之人獲覩
其人於髣髴而吾黨亦稍紓思舊之哀也悲夫

刻元恭文鈔序

昔先府君喜蒐訪先哲遺文嘗語錫疇云崑山歸氏自太僕後代以文行著季思文休元恭諸先生悉有撰述雖不大顯於世然世必有藏弃之者小子識之癸未朋試信宿吳銀帆先生齋中時先生方修邑志因叩以舊志載歸氏諸集可得否先生出元恭自書文稿一冊見示亟攜歸呈諸府君讀之喜命小子編次成帙既於友人處見有元恭文卽增入之積至六十餘首先未暇持擇也去歲客虞山聞張觀察鹿樵

菘耘文鈔

卷一

三

喜表揚遺佚又太僕大全集版藏其家乃舉元恭文介黃丈琴六貽之觀察許爲開雕屬余參校余終以未窺全豹爲嘆今年春館常熟趙孝廉閭鄉家塾閭鄉助余摻訪於邑中歸氏假得恆軒詩文稿六冊爲元恭族孫受谷手錄覈諸余所錄者互有異同而多逾倍蕞遂彙兩本借閭鄉慎爲銓次鈔成六卷并屬閭鄉錄詩一卷校讐旣畢謹序之曰元恭先生生百六之際廣柳屢迎野葛時餉有爲世人所不堪者而獨立不懼志節皎然所謂不爲威惕不爲利疚時形

於友朋往復間向使膺一命之寄其臨大節而不奪
可知而乃困窮抑塞歌哭無端卒成詞章之士以沒
世非先生之志也然百世而下讀其文亦可想見其
心矣嗟乎自來獨行之士雅不欲以文采自見而其
名亦不待詩文而後傳然苟任其銷蝕於鼠穴蟬窟
之中使不朽之精魂孤行於太空而世莫之睹此亦
稽古之士之所傷也先生之文沈埋幾二百年一朝
復顯而又遇觀察表彰俾得與太僕集竝垂不朽謂
非藝林一快事歟吾知季思文休兩先生之詩文雖
菘耘文鈔

卷一

四

流傳絕少亦不終晦也惟是府君遽棄不肖忽忽已
屆大祥銀帆先生亦久歸道山俱不獲見是刻之成
不禁悲愴欲絕已

虞東文鈔序

虞山學人遞有師承 國朝自錢圓沙先生後一傳
爲嚴思庵先生再傳爲陳見復先生三傳爲顧虞東
先生先生之後有吳瑣儒丈丈尤喜編輯鄉先輩遺
書邑中士獲與丈接而得其遺緒者近推吾友閻鄉
趙君閻鄉娶虞東先生曾孫女先生著書滿家其文
孫蘭泉翁悉舉以畀之蓋以李侍郎之於韓吏部相
期也閻鄉嘗語余以古人文集恆賴門下士讐正必
決擇審慎不恤割愛而後流傳於世後世無間言余

菘耘文鈔

卷一

五

聞而善之數年前余舍館石墩顧氏有以虞東文集
見示審爲吳丈手錄中擇其尤者若干首加以朱圍
余亟錄之未及半而索去悵快不自己繼知爲瞿君
子雍所得遂假歸錄竣寄示閻鄉閻鄉喜甚謂先生
文久擬編次行世卒卒未果今得吳丈精擇自無遺
憾更發其詩稿錄成一卷勒爲定本焉今年閻鄉招
予家塾課其二子時與蘭泉翁挑燈敘話翁少時逮
事其祖閒語一二軼事益悉先生之爲人翁又語余
以年屆八旬於世緣絕無繫戀惟先人著述未盡刊

布戚戚於中耳會石墩顧生蘭江養之昆仲見是本
悅之願捐貲付刻生爲先生宗人從余遊數載恆喜
表揚遺佚其志亦足尙也剗剗旣竣屬爲書其緣起
先生文深醇典則不愧儒者之言海內之士自能識
之無俟末學小子贅述也先生所著虞東學詩已著
錄四庫其學禮一書係未竟之緒雖叢殘錯雜理董
非易知閭鄉必能編校而傳布之以慰翁也是爲序

菘耘文鈔

卷一

六

非其間必... 菘耘文鈔卷一... 六

黃琴六先生文集序

常昭爲文學之鄉才人輩出接踵相繼近則推孫子
瀟吳項儒兩先生同時以古學相切劘者復有琴六
黃先生余未識孫先生若吳先生則僅於座間一識
其面而已所獲與相接者惟黃先生先生爲余宗人
大木翁之宅相道光甲午乙未間余館虞城臨海氏
與先生居相近過從遂密因得遍讀其所著書知其
嘗及趙巢寄先生之門趙實顧虞東主政高第弟子
也主政之師爲陳見復司業司業之師爲嚴思庵太
菴耘文鈔

卷一

七

僕太僕則師圓沙遺老圓沙猶聞馮顧之學者因嘆
虞山之學遞有師承雖諸公所造各視其學之所至
不必盡同而數百年來授受源流猶可核也先生爲
人情良介樸望之儼然而卽之溫然學愈高而心愈
下嘗語余以少補諸生思以功名自奮年四十不遇
遂絕意進取務博覽始爲討論之學繼爲詞章之學
邑中昭曠閣愛日精廬兩家多藏書嘗主於其家徧
讀之霜晨雪夜執簡不休迄今三十年甚不自是也
嗟乎卽其言而先生之學可知矣先生所著琴川三

志補記考據精覈體例彙括最爲有功於邑乘同里
張觀察已爲刊行餘若虞鄉續記虞文續錄俱一鄉
文獻所係詩文簡古純粹不爲苟作尤長於考辨每
論一事必循流溯源實事求是非務華絕根者可比
其存者皆經孫吳兩先生刪定孫精論詩吳精論文
其爲不朽之業繼鄉前哲諸公卓然並傳於後世無
疑也因念吾宗之在虞山者自元裳公至大木翁凡
四世一門風雅人各有集幸先生珍重藏弄悉以畀
余余將訂入家集中爲行遠計今先生靈光歸然著
菘耘文鈔

卷一

八

述不倦雖家貧不獲悉付梓人當世豈無深知篤好
者而忍令其湮滅哉必不然矣必不然矣請錄副以
俟之

壽泉先生詩文集序

虞山爲文學之鄉儒林藝苑接踵迭興乾隆初邵氏
昴季聯翩競爽科名盛事有竇氏五桂之目而叔二
太史松阿中翰文名尤著玉芝隱几兩集流布海寓
中翰之後登賢書者四葉相嬗亦盛矣哉今學錄壽
泉先生中翰之曾孫也幼侍大父謁錢辛楣宮詹有
奇童之稱太史連蹇仕途未罄其才中翰亦澹於仕
進養素林園先生少歌鹿鳴一試儀部不復出閉戶
著述以老其才學固足追紹前賢而生平自處亦復
菘耘文鈔卷一
九

略同或疑先生依隱玩世未協中行錫疇竊以爲不
然蓋嘗微測先生之意殆以人生宇宙苟獲有補於
世出與處一也出則爲君實永叔致君匡時處則爲
叔度林宗人倫師表先生教授於家又主講正脩書
院從游日進登臺省躋台輔者可僂指數未嘗行其
學而衍其學於人以行之與躬親行之者何以異貞
觀政理雖賴房杜諸賢論世者常歸功於河汾一老
也先生質旣敏而學尤篤於四部無所不讀發爲詩
文不必專師一家而奄有昔人勝處蓋食古旣深久

而與化忘乎我之非古古之非我也比歲以末疾常在牀第日以詩文自娛尤能脫去圈襪從心應手視流俗人作若有夷然不屑者向使早登仕版或膺民社鞅掌滑其慮案牘疲其神雖有著撰安能宏富精醇若是哉今先生年開八秩矣回思宮詹賞譽之時已踰一甲子宮詹之書既大行於世而先生詩文亦已盈尺幾與代興鴻儒識鑒信不誣焉繼自今年齒彌尊德業彌劭然後嘆造物困之以貞疾實予以寬閑之歲月而使之畢大抒所蘊也又何足懲勸爲哉

菘耘文鈔

卷一

十

先生手訂其集既成語錫疇曰序引不丐他人惟子與蘭厓學博是徵自慚謏劣不敢擔承繼念夙嘗親炙謬邀刮目何敢固辭用是忘其舛陋妄測高深直書所見先生以爲知言否也

梅李小志序

常熟方子漁明經博學工文世居邑東梅李令嗣小
漁承其家學雅好撰述搜訪桑梓掌故網羅舊聞輯
梅李小志若干卷屬吾族弟礪之訂定刪繁舉要可
謂事覈文省矣客或諭余曰是志詳言文村季氏而
不增太常公傳何也余應之曰吾季氏隸江南者咸
謂系出太常而文村之支多可疑焉太常列傳見宋
史文村一支果爲其後何以邑志少府總管俱有傳
而太常獨無可疑者一少府總管諸傳始於桑瑜邑

菘耘文鈔

卷一

十一

志而友梅先生嘗先纂修之今雖不傳桑志未必不
承之先生豈未見宋史乎必不數典忘祖也可疑者
二陳司業纂昭文志始著太常墓本桑孝光文村弔
宋太常季稜墓陵俱作稜龔立本私志謂太常事實
無考似太常乃別一人可疑者三宗譜載太常龍泉
人龍泉屬浙江處州而邑志少府傳云其先開封人
建炎四年舉族隨駕家於澣浦其地旣不同矣所云
其先者果卽太常何以不載其名想當時已屬傳疑
可疑者四至常熟譜謂太常子南臻厯三世爲少府

曠誌石今在文村宗社明云曾大父臻而無南字臻
以上未著臻果卽太常子何以不詳也至太倉江陰
泰興諸譜詳列太常之子有南嶽南呂等而並無名
南臻者此尤其大可疑者也今是志仍著太常墓及
桑詩舊志已載者不敢刪之不列太常傳舊志未登
者不敢增之蓋其慎也而是書體例之嚴可知矣既
以語客卽書之以爲弁言俟後之脩邑志者考核焉

瞿氏集古印譜序

集古印成書始宋之宣和印史晁氏印格自是王厚之顏叔夏姜白石趙松雪吾子行咸有著錄今皆不傳其傳者明之顧氏印藪范氏天一閣集印 國朝莊氏印型汪氏印叢稽古齋印譜等蓋摹印爲六書之一先民所作猶存遺矩後世稽其體製訂其文字爲考古之助非偶然也虞山瞿子雍學博癖嗜秦漢以來官私印章審別真贋不靳重值以購積累旣多集之成帙視前人所著增多唐宋官印一種嘗語余

菘菘文鈔

卷一

三

云秦漢六朝人私印世猶有存者若唐宋時官印最爲希覲蓋當官者歿印卽繳於朝銷之今散落人間者特千百中之一耳嘗考所得右鷹揚衛溫陽府之印據唐百官志左右鷹揚卽左右武衛所改審爲光宅元年後物又有驍捷左第三指揮第四都朱記歸遠第二指揮第二都朱記二印考謂宋乾德中選備征及嵐州歸附之兵爲河南驍捷至道三年分驍捷爲左右廂指揮共二十六故有第三之號雍熙三年拔飛狐靈邱得其降卒立歸遠軍舊指揮三天聖中

增置爲十六故有歸遠第二之號其曰第四都第二都者宋軍制五百人爲一營營設指揮使一下別爲五都每都馬軍設軍使一副兵馬使一步軍設都頭一副都頭一潛研老人謂朱記爲軍使都頭所用說不誣也其平居考證詳覈類此又嘗語余每得一古印輒摩挲不厭不自知其何以情深至此也蓋君少攻詩文爲諸生祭酒屢試不遇遂淡於進取一以讀書稽古爲事雅好藏書多宋元秘帙金石碑版積數千卷居恆兀坐一室搜討不倦其性情簡雅與古爲徒直同於宋之歐洪明之趙郭諸公倘天假以年著述必多惜乎未及中壽遽爾厭世不獲足其所好玩而老焉爲可悵也君歿後數年令子鏡之濬之等出其手訂集古印譜見示屬爲序爰卽曩所聞於君者書之而彌觸余懷古之思感舊之情一時俱集云

趙凝甫遺稿序

太倉趙君庾梅有才子曰以錕字凝甫幼而聞道力學嗜古天靳之年未竟其志而天其父母哭之其師友哭之闔邑士林俱哭之閱一載而未已也其莫逆友葉君涵溪哀錄其藁成詩若文二卷將營貲付梓示其友季錫疇屬爲點勘并乞序錫疇與庾梅交在紀羣間將思所以釋其哀而又歎涵溪之風義真能不負良友于九原也爲點勘卒業而序之曰死生亦大矣而先聖嘗曰朝聞道夕死可者非僅以聞道之重而死生之輕也明乎不聞道者不可以死惟聞道者乃可以死不聞道則仕顯宦壽期頤雖可死而猶不可死聞道卽名未成年未壯雖不可死而亦可死不可死者死竟死耳天壤後世竟無其人矣故曰不可可死者死猶生也天壤後世益重其人矣故曰可然則如趙子之死直孔子之所謂可者耳于趙子奚憾焉趙子爲吾友王研雲學博高第弟子學博研窮經籍趙子盡得其傳著有經說數種詩文一往清絕時造古人之室其天資之敏固不待言尤足重者早

歲厭棄俗學慕鄉先輩陸尊道陳安道兩先生之爲人讀其講學諸書慨然有志于聖賢之事撰爲目錄嚴考得失尤能辨儒釋之分途憶一昔余方自海虞客館歸清晨聞剝啄聲啟視則趙子也未數語卽向余假陶庵先生日記去閱數日來謂余曰先生日記中時及宗門語乃泛覽及之引以考核世之不知者將以儒釋混淆疑先生也余心折其言日記爲甲申三月作不數月而先生殉節死趙子之爲是語也亦不數月而死先生固間道者也趙子能知先生詎得

謂之未聞道乎聞趙子臨沒曰吾不能舍堂上去七日必返夫七日來復天地之心趙子辨之精矣曰返者非謂其能返魂更生也乃通乎陰陽之理而自明其靈爽之常存也然則趙子其真不死矣乎不死之死非孔子所謂可者乎所可痛者天假之年深造自得必能紹陳陸二先生之絕學以正人心而維風俗而今已矣則真吾黨之不幸也若夫爲蘭香自焚膏明自煎之說以惜趙子則失之矣書以復于涵溪并質諸庾梅庶幾其哀稍釋矣乎是爲序

南園紀事詩引

吾鄉王文肅公南園枕南城隈有繡雪堂香濤閣瘦
鶴梅諸勝二百年來老屋僅支或售他姓居之頽敗
傾仄有替弗脩中丞頤叟先生慨先賢釣遊之所將
鞠爲茂草偕徐秋士大令陸子範太守出貲償直撤
舊更新宏敞如昔芻植卉木茂美悅澤香濤閣下爲
三先生祠三先生者文肅及弇州尙書梅村祭酒也
去冬又於西夾室增設文介石先生祠蓋諸公爲吾
鄉立德立功立言之望中丞此舉寓樂育人才之意

菘耘文鈔

卷一

七

於脩舉廢墜之中鄉人士遊其地仰其賢有能感發
興起孰謂古今人不相及也今年春王正月二十有
二日中丞宿疾頓蠲躬蒞祀事助祭者二十二人受
福畢雪色開霽梅香初逗中丞扶杖婆娑逸興飈發
成五言古體詩一章屬而和者甚眾錫疇是日寒疾
未預閱時出詩與誦瑟縮不能應和因援玉山草堂
唱和詩袁子英秦文仲作序之例敬擬短引紀一時
清賞千載可感云

贈錢調甫序

咸豐三年錢君調甫南宮被放應王大臣挑列二等先是嘗取景山教習期滿待選越明冬選得海州贛榆縣教諭君爲大中丞頤叟先生伯子中丞移疾歸里十餘載比值小醜跳梁竄入上海中丞奉命在籍主防堵事疾未全愈調甫代爲理董故未卽啟行今年春上海告捷防堵事撤或有進於調甫曰教官秩雖卑然教迪士子其職易盡是宜行又有尼之者曰中丞年屆古稀仕者當請養是宜止調甫聞之便菘耘文鈔

卷一

六

旋未決余聞而告之曰君子出處唯其義而已所謂義者度諸己而絜以時也時際可爲有所補於世無所歉於己則以進爲義時無可爲不必有補於世稍有不歉於己則以退爲義權於進退之間而善其所處卽大易所謂時義也今天下士習之不醇久矣博士於弟子員空有師生之號而相視如秦越人士子不思讀書惟知揣摩墨藝弋取功名欲速苟且竟遂其志而一二經明行修之士終身擯斥由是相習成風恬不爲怪迨一登仕版惟思肥其身家所謂通經

致用之道茫然不解也然則天下之壞半由於博士
之不教弟子之不學無他積習既久卒難革也雖然
亦世無徽國文公安定先生者爲之師耳果其有之
白鹿之規經義治事之法未必其不可化也調甫聞
之以爲何如

菘耘文鈔

卷一

九

菘耘文鈔卷之二

記

顧亭林先生祠室記

國朝順治元年崑山顧亭林先生爲避地謀奉母王貞孝遷居常熟唐市之語濂涇陳亮工芳績家亮工亦有學行故先生主之明年七月貞孝歿先生往來其間歷數載至九年夏始返千墩迄今唐市之人能道之比有高才生張仁卿瑛景行先生擬卽陳氏故居地鳩貲營建祠堂不果咸豐五年仲春之月度於

菘耘文鈔

卷二

一

市西朗城庵中西夾室爲先生祠室仲丁偕同人奉粟主安焉合樂以祭酒醴牲牢畢具約春秋致祀歲歲勿絕禮也先生爲有明遺民爲國朝儒林之冠其學之正且大近世未有能逮之者是先生非一鄉一國之士迺天下萬世之士也疑非唐市所得而私然嘗託跡是鄉爲之增重矣先生之名徧於山陬海澨凡有血氣者皆知愛敬矧以鄉先生而不思所以敬禮之乎唐市故多文人科名不乏使皆以私淑鄉賢爲志讀先生之書學先生之學人才之興其

曷有既於禋祀典既脩紹承弗替吾知奮乎百世之
下莫不興起卽於是舉肇之也仁卿之意不亦善夫
是日主祭者邑人王寶之振聲讀祝文者里人趙宜
園同鈞贊相者仁卿設祭品者瞿鏡之秉淵作扁額
楹聯者邑人趙次侯宗建助祭者里人某某等時錫
疇適館菽里密邇唐市仁卿招往與祭且以夙嘗參
校先生年譜屬爲之記辭不獲命謹書之復作迎神
送神之辭曰

水鄉肥遯忠孝心長母有遺訓沒世以將公神在天

菘耘文鈔

卷二

二

斯地不忘祇蠲吉祀靈兮洋洋牖啟愚蒙我心則降
脩儀既畢風馬回翔公不少留眾毋嗟傷常誦公書
日侍公傍

石墩顧氏義莊碑記

慨自宗法廢而士大夫爲尊祖收族計者莫善於義莊之設矣吳中自范文正公倡帥後互歷元明踵事者鮮 聖朝厚澤深仁涵煦二百餘年之久聞風興起者不一而常熟尤多若楊氏屈氏歸氏龐氏諸家皆詳定章程行之弗替宗支旣託芘蔭後嗣彌慶蕃昌猗與盛哉石墩顧氏系出錫山自前明來遷子姓繁衍至廷益廷表曩弟以力耕起家志存敦睦聞邑中世族之遺風而思則倣之未果而卒子湘及濂思繼其事復無祿蚤世廷表之中子養之浩念父兄遺言拮据緯繡遂於咸豐八年冬率猶子崇福介福等各割沃產總五百畝有奇建立義莊并設義學適錫山宗老蘭厓先生爲昭文學博乞其狀聞有司詳請大府上其事於 朝越明年奉 俞旨坊表如例而先人未竟之志迄潰於成規制旣定請記於余夫義莊之設恆以千畝爲準是舉或以取數未盈爲嫌余竊以爲不然人卽事有餘力而能不私諸己而公諸人俗情猶以爲難若在己未能有餘而顧以公諸人

爲急務則尤難之難也且夫百仞積於壘土七襄始於寸縑事先貴植其基耳有其基而繼長增高可企而及也又奚存乎見少耶抑余尤有感焉自來良法美意恆積久而弊生故不患法之不善而患守是法者之不得其人義莊之足以贍族而并以裕後法誠善矣然行之不出於公致啟紛爭之端或歷世永久意在自私而非以卹人遂至有名無實欲如范氏之常守遺規久而弗墜斯亦難矣養之倡始之功固非易事其亦助後之人慎持於繼哉是爲記

崧耘文鈔

卷二

四

遵晦齋記

虞山王寶之先生新葺書齋顏其額曰遵晦屬同歲生吳江夏榕孫書之而徵於同學友太倉季錫疇爲之記或曰先生以名孝廉屢放春官比歲不與計偕殆有取於退自循養與時皆晦之義與先生曰不然嚮讀晦翁文心契其旨近復見宋刊浙本全集校勘一周自後將一遵晦翁之學不爲見異思遷又友人適贈以重摹郭拱辰所繪翁象懸諸齋中取是名者所以明嚮往之志也錫疇聞之肅然起敬曰善夫先

菘耘文鈔

卷二

五

生之爲學也蓋先生治經始宗漢儒考證異同實事求是通小學討論章義夙具神解嘗見其校正溫公指掌錄才老韵補二書真能剗通古誼綴輯先賢之闕乾隆中鴻儒疊興爲漢學者極盛詳辨名物訓詁象數典章不遺餘力誠足爲鄭孔功臣然皆欲自立門戶詆毀宋儒往往掎摭程朱之闕略以矜其浩博若戴氏紀氏惠氏段氏汪氏皆然雖以議論和平如吾鄉之錢先生亦時露其意蓋才愈高學愈博其搜抉益多而其訾警也益甚論世者怒焉憂之於是又

有矯其病而深斥諸家立言之失一若相爲報復者其論亦不無太過要之漢儒之考據與程朱之義理二者不可或闕也崇漢學而輕宋人則無爲學之本尊宋儒而屏漢學亦非論學之全孔子曰述而不作信而好古孟子曰博學而詳說之將以反說約也是昔之聖賢固已明二者之不可偏廢矣先生講求漢學意主博洽而於朱子之學又服膺甚深殆有志於身體力行而不以口耳爲事先生之學正且大矣不亦善哉先生以孤童自奮爲邑大師詩宗少陵文學

菴耘文鈔

卷二

六

昌黎制義具名家風格生平仰企不屑卑近然在先生皆其末也繹名齋之意千秋絕學意在仔肩豈第區區爭長於文事哉先生之年甫屆甲子一週今歲秋戚友弟子以詩文稱祝者先生概卻之而獨有取於林野鄙人之辭蓋亦朱子崇實黜華之意也不揣固陋遂質言之以復於先生卽以當祝嘏之文先生其亦鄙棄焉否也是爲記

寒夜課孫圖記

長洲宋去垢茂才追慕其先大父西樵公教讀之勤屬畫友補繪寒夜課孫圖貽書乞余爲記茂才之言曰某年五歲識之無字公親教之明年出就外傳自塾歸公篝燈課誦十餘年如一日值寒夜督益力曰古人三餘讀書冬爲歲之餘夜爲日之餘不可忽也迨至易簣時猶策以勤學期望甚至某謹佩彝訓不敢忘此圖之所以作也余讀之而歎曰公之貽謀信善矣而茂才繫懷先德念釋在茲其讀書常凜凜乎

如公在時宜其斐然有文名噪士林也抑又聞公之訓茂才曰人不患無福患無德不患無才患無學此真有合於董子正其誼不謀其利明其道不計其功之旨茂才更能體公之志其讀書也不徒以之發名必將以之敦行爲醇儒不爲才士於公數言基之矣吾知自今以往撫圖興感其闡脩謹獨之功與誦芳揚烈之思以俱長也是不可以不記遂書以復之

瞿蔭堂檢書圖記

虞山昔多藏書家楊之萬卷錢之絳雲述古毛之汲古其最著者近則有稽瑞陳氏愛日張氏兩家散佚後今推罟里瞿氏學博蔭堂先生博雅嗜古舊多遺書復得兩家秘籍精心檢校古抄舊槧州次部分而後恬裕齋藏書之富直欲上軼前人余嘗念藏書與藏貨財雅俗自異乃往往不久散亡則同焉者何與或曰聚必有散或曰專一己之有爲造物所忌是二說皆非也古人之精神寓於著述其書之傳之久者

稊耘文鈔

卷二

八

尤其精神之不敝者也藏書之富是直聚數千年來千百古人於一堂之上今夫人有賓朋宴集而邈焉不與酬接鮮不怒而思去矣然則書之散亡亦藏之人未相酬接而古人怒而去之耳使其日與相親古人得一知己矣將睨就之不暇而肯輕去哉先生非徒藏之而能讀之且義方有訓教其子子雍爲高才生以博聞著吳中諸孫誦聲琅琅一室蓋非徒一已讀之且欲令世世子孫讀而守之以迄於無窮此檢書圖之作所以垂示方來義深遠也吾見恬裕之

書庫不獨其富軼於前人其藏之永久亦將遠過前人矣子雍出其圖屬爲記謹書之以致其流連景慕之私云

崧耘文鈔

卷一

九

夢劉圖記

記有之人者天地之心也古今同此天地卽同此心
大化之運一氣相嬗雖謂今人不隔於古人可也惟
失其所爲天地之心則人之與人且相隔矣況古今
之遙乎吳郡王韞齋明經學通古今志行高潔錫疇
嘗兄事之時誦其詩文以資劇切久目爲古之人矣
今年秋貽書告余曰夜夢前身爲劉貢父一僧在旁
證之旣作詩述異將繪圖以紀先徵余文余思記之
所云而知人果與天爲徒原無時代之間也夢爲貢

菘耘文鈔

卷二

十

父卽貢父矣且前身之說記載亦多蘇長公爲演師
黃涪翁爲誦經女子非盡無徵也抑又思韞齋博聞
強記能文章喜著書固與貢父之學同已惟是貢父
疎儻通脫嘗以公非自號未免尙口卒嬰惡疾此又
韞齋之所當做而不必一一似之者也韞齋平昔謙
沖自下惟恐存心養性事天或虧故一旦形諸夢寐
不昧本來自今以後願益勗勉以進於古人而全乎
其爲天地之心其爲貢父耶非貢父耶前身之說姑
置之可也是爲記

莎廳課經圖記

六經皆治世之書也自後世以治術學術析而爲二
言經學則毛舉名物訓詁以矜博洽言治法則拘於
成例不敢稍有出入而天下事益紛然難理夫天下
之變故日出不窮而治之之理皆具於六經神而明
之未有不措施悉當者西漢良二千石每以經術飭
吏治後之人誤讀飭爲飾遂以讀書爲潤色太平之
資宜其治績遠遜於漢代也江山劉詹士先生以名
孝廉官溧水令經術治民既有成效故課其令子泐
菘菘文鈔

卷二

七

生讀經綦嚴先生歿後泐生追感前事嘗屬畫友繪
莎廳課經圖其師王韞齋明經爲之記近又作第二
圖書來屬記於余泐生爲循吏之子通經致用理固
可信他日一行作吏常以此圖張之座右纂誦清芬
念釋在茲孜孜以經學飭治其有裨於蒼生非淺尠
矣遂不辭而復爲之記

菘耘文鈔卷之三

書

與王硯雲先生書

硯雲先生閣下委校文徵二冊前藉使奉上中擬刪去一二另簽求教並質諸杏莊以定去取惠示已刻一卷先睹爲快晤亦泉述尊意屬以悉心參訂附名簡末感戢悚慙莫可言喻疇幼喜汎覽如瞽而無相俛俛何之繼遊徐石渠吳銀帆兩先生之門聆其緒論略窺古人門徑惟姿性既鈍才力甚短又乏記誦菘耘文鈔卷三

一

之功朝之所見夕已忘之加以生爲寡人窮愁悵鬱壯齒已過百無一成今年四十有二矣尙守一二黃口小兒日夕曉曉嚴親篤老甘旨缺供甚矣悲哉長爲天壤間棄物矣同人輩嘗勸以專心舉業博取功名而心思紛若下筆茫然一點靈臺不知消歸何處念二十年呬唔作雜誦不能爲場屋之文爭勝於人其敢揚榘古人與聞選事乎且以閣下之博綜經史領袖藝林杏莊之才筆縱橫亦泉之精勤搜訪總持其事自臻無憾如疇疇昧無識素乏聲譽而強作解

事搖唇鼓舌以蝨其間不幾爲外人竊笑乎顧念是
舉爲數百年來盛事區區微忱夙喜網羅放失又辱
過愛殷勤垂詢知己之感不知所報妄思竭其顛愚
奉抔土以益泰山用是不敢自外略陳管見所及冀
垂覽焉竊謂古文之名肇自西京而實原本經史尙
書孟子左國史漢其立極也唐之韓柳宋之歐曾明
之震川遵巖 本朝之堯峯望溪無不得力經史取
神遺跡其骨峻其法嚴其氣厚其辭正神明變化成
一家言是爲古文正宗其他才人學人或主明道或
專考據或尙修辭分門別類堅持一見亦嘗彼我相
笑然殫心造極各自名家未可執彼議此妄分優絀
也至若吾邑文人就所見者敢略舉其端宋則不足
徵已郊氏父子諸篇著書而非可以文論胡氏父子
僅睹殘篇元之秦文仲郭義仲袁子英殷強齋陸良
貴鐵門傳授咸主藻采而不掩風骨明之徐禎卿宗
仰六朝桑柳州好爲放論才力自大毛文簡質實厚
重文如其品張司直陸仲子茂於辭華弇州之才氣
無敵喜學秦漢固不待言君家文肅渾厚純粹如良

金美玉文品可貴緱山太史及奉常集未經宣究不
敢臆揣張天如亦從漢魏入手梅村則寓排偶於單
行氣盛辭華專工脩飾陸桴亭意主講道陳確庵遊
於錢門宏肆似之 國朝之黃忍庵研經鍊史說經
之文絕似王伯厚馬貴與兩家周東岡喜作僻冷語
顧抱桐才力馳騁白澗敬亭兢兢繩墨言之有序蕙
帶小山專工韻語行文亦見馴雅程迓亭博覽羣書
喜用成語偶語近六朝晚唐諸家馮仲廉以文闡道
而丰神取諸六一峭勁時近半山得力於古殊異向

來講學家空疎之習立方氣局雖小而辭意入古亦
臻潔淨稱其家見近則甘翁之古藻腴鍊靜翁之簡潔
有法石渠先師之清辨瀾翻間雅適逸各自成家信
爲必傳大約婁地濱海之區人物皆淳實恢闊才情
是尙吐辭多勁直之致少清空之氣詩文制義皆然
此稟於地氣不可強也夫知文難選文尤難選以供
一已揣摩猶易選以存昔人面目則難古人窮年著
書實有一段不可磨滅處讀者必確見得力所在別
其利病乃能采菁擷英不爲皮相而又具尙論之識

核其品學所歸采錄數篇其人畢生大概盡見於斯此選家之正軌古之纂輯傳世率由此也而選一鄉之文與選海內之文不同海內之文美不勝收取其體格純正辭意雙美便爲善本一鄉之文爲本地文獻起見卻與一代之文相似一代之文與國史相爲表裏一鄉之文與邑志相爲表裏其大較也歷代之文粹文鑑文類文衡詳於一朝典故鄭虎臣之吳都文粹都元敬之續文粹與邑乘圖經相輔皆不專取文辭鄙意謂是集之體自當以有關於邑中掌故人

菘耘文鈔

卷三

四

物足備後世考證補闕者爲主而譚經說史經濟道學有裨於國計民生人心風俗者次之文辭之美愛不忍釋者又次之若以文存人具闡幽之意抑其末也至文之俳體俗體其氣庸弱不振者概不收入方臻粹美前致鄙意謂傳誌行狀自宋元人後概不收外縣人其說雖拘可免泛濫之病且略有限制不至掛一漏萬恐諸君意見不合未必俯采然總以少取爲是總之著書足傳體例爲第一體例既定自不龐雜與其雜毋甯陋也至駢體不必別立一集中似

散似駢如徐禎卿吳梅村者何以別之且既分駢體賦亦駢也而又有專工駢體如甘翁叔溫椒卿輩不入正集亦屬不安既不分類斷以彛入爲是文人小傳似可不作詳言之則有巨志諸傳毋庸贅述略言之必涉疎陋卽云采其軼事亦無此例只須另立文人總目一冊註明字號官階集名覺爲簡淨惟旣屬人自當分代方見眉日照 國史郡志新邑志自無大訛或有身屆兩朝者以前代科第爲主小註中載明入 國朝何官此實不能掩又何嫌乎釋子之文

坡謂古書不可輕改顧亭林錢竹汀亦云明人每有此
病識者譏之近于履表兄嘗謂虞山張氏校太平御
覽同事者喜篡改遂投書決然舍去人服其識私心
臆見謂自後凡見刻本者非涉忌諱與實在舛誤者
決不可改或文本不佳欲存其人姑訂正一二此實
萬不得已之爲亦當謹慎詳審不可率易也積雪盈
庭寒風撼牖索居岑寂呵凍作書凡胸中欲陳者悉
翻縷出之以貢左右恃惠子之知絕無顧忌惟恕其
妄而鑒其誠卽賜裁答以教所不逮幸甚并質諸杏

菘菘文鈔

卷三

六

莊亦泉以爲何如也續得元明人文二十首中多幽
軼之篇奉覽候裁餘容面罄不宜

與吳風如翻卷書中東外書只陳中翰將書悉
傳不辨曰之爲在當審則指審不而率長出蘇雲蓋
對不而效近文本不并於若其人故指五一二也實
無泉謂自對只泉校本否非也思齋與實齊叔則否
賢而事書喜莫如後并審知然舍去人服其識私心
與書香燭之說平氣表民嘗謂吳山卷九外太平
世謂古書不可輕改顧亭林錢竹汀亦云明人每有此

與黃丈琴六書

前奉候時出示所校陳氏地里沿革表忽忽未獲竟
讀爲歎竊維地里之書肇自十道述郡國志而賈耽
漏落吉甫闕遺在昔所譏嗣後采摭之富輒推樂氏
祝氏王氏三家然寰宇記猶本吉甫而援引較詳所
采亦惟信而有徵者識者推爲有宋一代地志之冠
朱竹垞謂不若九域志輿地記之簡要未爲定論也
至方輿勝覽則詳於名勝古蹟而略於建置沿革疆
域道里關塞險要之類祇供文人登臨題咏之助而

菽耘文鈔

卷三

七

非考證地里之書惟王象之輿地紀勝一書每府州
軍監分子目十二自府州縣沿革下至碑記詩文所
載宋寶慶以前疆域或沿或革詳贍分明錢竹汀先
生謂體裁勝於祝氏惜流傳絕少藏書家間有影宋
鈔本耳明季崑山顧氏有肇域志宛陵顧氏有方輿
紀要肇域志久佚按郡國利病書原序謂一詳肇域
一詳利病共爲百卷核之世傳鈔本錯雜無序疑是
書本亭林先生未成之書而又闕佚後人強分卷帙
或將肇域志之不全者羈入湊成百卷之數耳方輿

紀要體例最爲整齊大旨專詳形勢險要出蓋於鄭文康江南經略而加以錯綜史事上下古今誠爲空前絕後之作惟於考證亦有稍疎者卽如首卷列秦四十郡依晉書而不本漢書殊未愜心太史公書始皇二十六年分天下爲三十六郡雖未詳郡名某某而見於班孟堅地里志者一一可核其非漢立者稱秦置者二十有七稱秦某郡者八稱秦郡者一并之正合三十六之數其曰秦置因其地而不改者曰秦郡因其郡名立爲國者也云故秦某郡因其地而

藝文鈔

卷三

八

改其名者也此外無稱秦者也且考漢郡國百有三自高帝至孝平所增之數以秦三十六郡合之恰得百有三秦無四十郡可知西晉以前皆主三十六郡自裴駟註史記別南海桂林象郡於三十六之外而別取內史彰郡黔中三郡晉志又增閩中一郡遂有四十郡之稱嗣是王伯厚著通釋胡三省註通鑑亦沿其誤宛陵多采王胡之書未遑訂正也今沿革表首以三十六郡爲主未識本漢書否抑仍本裴駟集解也至地里之最易混淆者莫如東晉以後隋以

前南北僑置始陷卒復其閒地異號同名目多複千
回百改瓜剖豆分史有十家而闕志者多晉志尤多
舛謬雖博洽如杜氏李氏樂氏於南北僑立之迹十
闕其九良以分離乖割考覈爲難也今陳氏之表未
知於史家諸志有訂正補闕否近時洪稚存有東晉
疆域志竹汀先生極稱之謂有裨史事當覓得一核
必多改正處足補前人所未備私心凡見謂陳氏此
書本屬草創得吾丈悉心校補自臻粹美惟祈廣爲
參校俾確鑿無謬正地志之紛訂史家之失則是書
菘耘文鈔

卷三

九

孤行宇宙功倍於作矣辱承垂愛輒獻所疑未稔芻
蕘之見足備采擇否惟冀損書賜答督所不逮是幸
此俟不宣

與張鹿樵觀察柬

夙懷慕藹未遂瞻韓伏惟道履凝庥優游養望臨風
翹企曷勝欣舞鄉前輩仲廉容堂兩先生著述蒙雲
誼表彰邑中多士咸深感頌趙舍親巢寄先生自歸
道山後嗣零替遺書將歸湮滅前將舊存遺稿數種
囑黃丈琴六送呈台覽荷蒙捐資付梓獲垂久遠先
生有知當默感於冥冥之中矣拙著小引乃廿年前
陋劣之詞亦蒙付刊獲附驥尾幸甚愧甚前於黃丈
處獲讀大序中提出集中與劉季兩書概先生之爲

菘耘文鈔

卷三

十

人且以劉君名氏謂不必諱正見古賢相與有成之
誼識力高絕得此闡發先生之人與文愈覺增重始
歎方家立論迥出尋常萬萬也已刊之六卷俱參校
一過中有原本訛處間有下字未穩處不揣固陋妄
訂一二與黃丈酌商以期無憾修板時仍俟鴻裁酌
定可否聞地理沿革表一書已刊竣作者與顧亭林
先生交先生避亂嘗主於其家其人學有本末可知
而姓名不登邑志殊可怪也是書梓行定與方輿記
要並傳後世始知虞山有陳芳績其人矣又聞歸太

僕大全集板近歸尊處疇於十年前曾授輯太僕曾
孫元恭先生遺文錄成一冊現存黃丈處囑其奉呈
左右如有意附刊太僕集後海內辦香歸氏者當爭
先快睹也茲奉上新刊楷璠一種先師文鈔一冊就
正希警入本擬登堂晉謁謹申謝悃恐勞動定未敢
率爾特肅泐數行囑賢從子真兄轉呈惟崇鑒不宣

菘耘文鈔

卷三

七

菘耘文鈔卷四

題跋 傳 墓碣

書程孝子傳後

虞山譚小石茂才以同邑程氏孝行冊見示屬題展冊首孝子傳則吾友方君子漁作也昔謝承字季野嘗言有風教傳梁元帝史通有孝德傳范蔚宗因之以劉平江革等傳別爲一卷所載皆孝友事子漁是傳詳誌程君仁孝於母而推及於友愛義行且云凡爲子者皆當則而倣之以求合於古孝子之道豈非昔賢

菘耘文鈔 卷四

一

風教孝德之遺意耶且孝子之文孫不忍先德就湮而悉力以表章之其意亦可風矣抑余嘗聞吳門顧明經云常熟徐市有程心質者字在仁有學行遊汪大紳之門得其傳著學則一篇倣世諄切年三十七卒於長洲吳贊皇家其人當與孝子同族尙有著作留貽否又近有高才生名梓誥者工詩詞偃蹇而歿年不及中壽其稿藏唐橋周氏尙孝子之後推錫類之思能訪而刻之俾其姓名不至翳如斯亦孝子常寂光中所心許也其有意乎因屬小石轉問而附書

及之

秘耘文鈔

卷四

二



書唐貞孝傳後

昔崑山顧亭林先生以避兵奉母王貞孝居常熟語
溪之陳氏貞孝以其夫同吉蚤亡未婚而守志者也
卒能教子成大儒聞明亡絕粒不食歿於陳氏之寓
臨終屬先生守節不仕其貞也以烈著賢母之名輝
映萬世山川生色迺今二百年後又有唐貞孝以繼
之惜其夫亡甫一年而遽卒不獲如王之得遂其志
老壽以終是則唐之不幸也然傳稱一歲中背人飲
泣黯然神傷卒以身殉是亦貞而烈矣吁可哀也夫

菽耘文鈔

卷四

三

可敬也夫貞孝許字余故人譚君石舫次子文年君
伯子小石茂才示余以蘇君所作傳謹書其後并屬
小石於唐墅小志中補入王貞孝傳是不可遺者也

呂氏家塾讀詩記三十二卷宋淳熙九年壬寅邱宗卿密刻本距成公歿甫逾年前有朱子序後有尤文簡自書序按文簡與成交是歲二月有祭公文又時與宗卿同官江南西路轉運判官故宗卿索其序是本之勝於嘉靖傅氏本萬厯陳氏本及近之虞山張氏刊本已詳瞿氏恬裕齋藏書記及王文村孝廉校勘記矣案成公弟監倉子約撰公年譜謂公於淳熙元年甲午在婺州始編讀詩記三年丙申七月復

菘耘文鈔

卷四

四

編之是此書之成在是三年中至六年己亥復修之蓋意有未安者猶待刊定也又案公日記云淳熙七年庚子正月四日修讀詩記唐無衣篇始至十二月二十六日信南山篇終八年辛丑正月甫田一章始至七月二十七日終公劉首章閱三日公卽厭世矣此三年中每日閱定篇章悉登記載惜天不憖遺未及卒業公之心猶未慊然大慰也朱子跋其日記謂其緝閱論著不以一日懈於此竊窺其學力所至以自警省吾伯恭之不亡者其誨我亦諄諄矣語極沉

摯知後之人必有同余心者弗憚校讎之煩以重刻
之也用書卷端以俟

菘耘文鈔

卷四

五

跋王損仲宋史記

昔賢多以宋史蕪雜擬重修之而卒無成如歸震川顧亭林諸公是也其已成書者柯氏新編外有湯若士王損仲兩家入國朝其藁俱歸吳興潘昭度後石門呂無黨得王本攜以入都王漁洋朱竹垞皆見之竹垞曾抄副見明詩綜損仲小傳漁洋錄存凡例跋見蠶尾集乾隆閒湯本藏文瑞樓金氏出以求售全謝山嘗與李穆堂書屬其購以開雕事不果行今不知流落何所矣此王本全書二百五十卷藏吾鄉

菽耘文鈔

卷四

六

聞少谷學博家余叩其所自云乾隆中其曾祖某公爲江寧教諭有一大令罷官歸匱資斧貸二百金以此書爲質惜忘其姓氏矣其書目錄上有朱筆塗乙并別標卷數蓋當時潘氏以湯本相校而附注之書中有增刪處亦依湯本世有大手筆重編付刻能取兩本異同參覈求是固可折衷盡善否則寧願王氏原本刻之以見一家之書毋以意增損其閒庶不失原書面目也

南宋文鑑跋

南宋文鑑抄本三巨冊嘉興貢生沈嗣選著案嗣選字仁舉號果庵順治乙酉奉母避兵葭川羣盜知爲孝子戒勿犯破產聚書著有儉娛草堂集卒年七十六私諡孝貞書作於順治戊戌凡例九條則成於康熙改元七月晦前一日目凡四十八卷一賦卷二騷樂府卷三至卷八詩卷九至卷十詞卷十一詔誥卷十二至卷十九奏疏卷二十至二十四啓卷二十五至二十八書卷二十九至三十策卷三十一至三十三論卷三十四至三十七序卷三十八跋卷三十九至四十一記卷四十二議卷四十三辨卷四十四說符命頌贊箴卷四十五答問卷四十六銘碑傳卷四十七墓銘墓表行狀卷四十八祭文祝文策問樂語上梁文雜文每體各有小序今僅存卷一至十九間有全本藏於嘉興沈雲泉所同里錢雲壽嘗見之又聞嘉定張樸村輯南宋文鑑未成王西莊續成之海寧蔣奏平亦有南宋文鑑錢竹汀先生撰嚴長明傳曰所著有南宋文鑑俱未見流行近長洲顧少卿曾

菘耘文鈔

卷四

七

爲秀水莊芝階輯南宋文範七十卷擺板印行皆未
見諸家之本惜余得睹此本又屬不全記之以俟搜
獲全書耳近吳江董夢蘭兆熊新輯南宋文鑑余嘗
見其藁本已成帙矣

菘耘文鈔

卷四

八

跋朱孝定先生與徐高士書

嘗讀居易堂集中朱師母陶太夫人壽序嗚咽流涕
委悉詳盡令人徘徊心動今年冬虞山朱君肖梅復
以所藏柏廬先生復俟齋高士書一通見示中述其
母致謝之意曰吾所以至今日者爲諸子也而序中
亦及太夫人云乙酉之禍若在爾父之側必從爾父
於地下又曰孝廉惟是稱說師教以善吾諸子無令
不肖其父而序中亦云太夫人令其子去經生之籍
謝絕當世處遺民故老之間則知太夫人之賢微俟
菘耘文鈔卷四
九

齋不能道之而柏廬復書之感激涕零微俟齋亦不
足以當之矣肖梅以先世遺墨珍重藏弄又屬中表
許伯緘丈錄壽序一篇合裝成冊讀者想見當日父
母師友相與有成宜柏廬俟齋兩先生之高風輝耀
千古也

跋朱節孝先生文稿

此節孝先生遺稿一冊雖非全本而貞心亮節俱見
一班讀卷中事難一篇感慨悲愴不減文山正氣歌
其殉節之心久定於胸中矣曩友人張石耘示余節
孝集鈔本一冊余囑顧君沅刻入乾坤正氣集中惜
爾時未見此本也是冊書法迺秀是柏廬先生手書
尤足珍重肖梅當囑後之人善守之節孝所謂志氣
感通衣德足紹先世神明猶將眷此也

菘耘文鈔

卷四

十

跋毋欺錄

曩潘君晚香示余孝定先生毋欺錄一卷嘗屬顧生
湘刻入小石山房叢書中爲先生中年之作此則丁
卯至丁丑十年中所紀乃晚年筆也想見前賢年彌
高德彌卽進學之功不懈益勤如此亟錄之爲檢身
之助并眎晚香其讀之也

菘耘文鈔

卷四

七

之曲并神與香共齋之出

高韻飄飄豈學之良不測益懽賦也亟錄之爲檢身

即全下五十年中世味既過半星出賦良前習乎歲

斷陵入小石山房叢書中藏於中乎之於此限

曩潘君晚香示余孝定先生毋欺錄一卷嘗屬顧生

跋朱柏廬先生手蹟四種

崑山孝定朱先生手書沙村車塘先隴祭冊及地租冊重修恭靖公祠帳冊康熙戊辰新置贍族田冊冊首皆有題詞凡四種向藏裔孫惺齋茂才處今爲虞山族孫肖梅所得出以見示想見先賢敦本收族之誼纖悉畢載垂誠深長書法亦莊嚴不苟爲之肅然起敬肖梅爲秘閣公十九世孫嘗竭力復公練塘墓田其追遠之心一宗孝定是冊之歸殆默相之乎尤願後之人鄭重藏弄常存紹聞衣德之志不特名蹟

菘耘文鈔

卷四

三

永保云

題朱肖梅藏先賢翰墨

虞山朱君肖梅旣得有明諸先賢與其上世副使蘧
菴公揮使拙軒公經歷山塘公赤牘十二紙裝潢成
卷出示屬題讀之歎曰諸公翰墨歷五百年而完好
如新非代有賢子孫慎守烏能及此豈非宋氏之寶
玉大弓哉其中司馬王公司寇周公爲吾婁名臣州
志王公傳曰爲廣東兵備平黎亂進右布政此云元
惡伏誅當卽其時復云旋被西廣之命則爲布政當
屬廣西矣州志殊疏略可據以訂正周公作此書在
赫耘文鈔卷四

三

被謫廣東驛丞時故云流落海島明無人非幽無鬼
責顧不能日爲善耳又云放浪山水逍遙造化之表
自謂有半仙之分可想見公居易俟命不怨不尤信
所謂無入不自得也二公書法流傳甚少獲睹真蹟
不勝忻幸敬書數語以質肖梅

代朱肖梅跋所藏諸名賢手柬

王 鏊

王文恪與蘧菴公書蘧菴名文字天昭成化甲辰進士仕至湖廣副使贈通議大夫宋睢陽五老兵部郎中貫道公十三世孫生子六人伯爲恭靖公希周案文恪公入相後旋乞歸林居十四年此書迺其歸田後作

王 倬

王司馬與拙軒公二書拙軒諱質字天存授蘇州衛
蘇松文鈔 卷四 志

指揮僉事蘧菴公弟司馬名倬字用檢弇州山人之祖成化戊戌進士仕至南京兵部侍郎此其任廣東兵備平黎亂陞廣東布政時作前一札所云令先大夫者謂勉齋公諱夏字日南贈通議大夫南京吏部右侍郎

顧宜之

拙軒享壽七十有八顧公作此書亦修五老圖故事也顧爲文康公兄以子潛貴贈監察御史

周 廣

玉巖公與拙軒書公被謫廣東驛丞時作

方鳳

哲軒卽拙軒方公字時鳴號改亭與兄鵬同登正德
戊辰進士仕至廣東僉事此書在都中作當是官御
史時所云半山親家者謂拙軒公弟名彬字天成授
沂州判官所云殿講先生謂恭靖也

又

此改亭歸里後作與矯亭同居新瀆里怡怡觴咏時
也

菘耘文鈔

卷四

五

朱希周

此恭靖與從弟山塘書恭靖以第一人及第仕至南
京吏部尙書乞歸三十餘年作以父諱文遺命勿請
謚盡臣以聞特賜謚恭靖此其入仕後書惜已殘闕
山塘名希陽字懋功官福建按察使經歷拙軒子也

周愚

周公字以發崑山人正德戊辰進士官雲南僉事此
其歸里後作

瞿景淳

瞿文懿以清節稱此與拙軒書拒其請託詞緩而實
嚴想見立朝不苟宜其有忠宣大節媲美祖德也

王逢年

霽川當亦山塘之號王公字聖華崑山人諸生擅詩
文負氣好奇此書可想見兀鼻不羈之概

朱景固

此練川與山塘書練川字繼甫恭靖子以蔭入太學
授太常寺典簿轉南京前軍都督府都事所云章甫
弟者名景章恭靖第五弟歸安邑丞名希足之子也

菘耘文鈔

卷四

六

葉谷履... 王... 丞... 子...
對太常寺典簿... 章甫... 弟... 子...
此練川與山塘書練川字繼甫恭靖子以蔭入太學

朱景固

文負氣好奇此書可想見兀鼻不羈之概

霽川當亦山塘之號王公字聖華崑山人諸生擅詩

王逢年

文負氣好奇此書可想見兀鼻不羈之概

文負氣好奇此書可想見兀鼻不羈之概

後樂集跋

崑山衛文節公後樂集原本七十卷公子樵刊永州者今不獲見所見者 文瀾閣本從永樂大典輯錄編爲二十卷諸體略備而制誥表劄爲多宋史失載公傳觀集中諸謝表其歷官始末猶可考見爲政惟以舉賢退不肖爲亟奏狀中薦舉甚多其著者真德秀陳孔碩趙師秀趙善璫諸公而奏劾韓侂胄蘇師旦之黨如易祓朱質林行張鑑鄧友龍等指斥不遺餘力又讀辭免諸表可想見古大臣難進易退之概

茲耘文鈔

卷四

七

所居堂曰後樂卽以名集希風范公不虛也惜集多譌字每至不可句讀安得七十卷之本復出而讀之一快於心乎

公嘗贈吳中諸書表其想官徵未歸而書見爲近世
錄二十卷諸體略備而制誥表劄爲多宋史失載
香合不兼見復見香 文瀾閣本從永樂大典輯錄

崑山衛文節公後樂集原本七十卷公子樵刊永州

跋手校樂全先生集

樂全先生集四十卷鈔本舊藏海甯楊芸士家今爲
恬裕齋瞿氏所得主人示余讀之其文疏暢明達令
人意愜中芻蕘論暨論事劄子深識遠慮切中利害
誠當時在朝石畫亦今日濟時急務也惜無好事者
刊行之播諸執政爲入告謀猷耳 四庫總目謂其
書傳本絕少所收亦出鈔本蓋宋槧後無他刻矣今
年秋郡人席初白蔣恕齋以汪氏所藏宋刻殘本來
始十七卷止三十四卷板刻清朗楮印如新每葉二

菘耘文鈔

卷四

六

十四行每行二十二字中構字注太上御名慎字注
今上御名是爲淳熙刻本無疑南宋初刻之書猶多
古字如此本鍾不作鐘尉不作慰敵不作弊又搔動
不作騷動與宋刻淮南子合知其校訂精善不同宋
末麻沙刻本之多謬譌也遂假以校勘旬有餘日而
竟改正頗多宋刻全本何可易得後有欲刻此書而
獲賂是本再得舊鈔之善者補校前後數卷亦可無
憾矣要知古來名臣之文足以經國家利民人自能
常留天地間不致泯滅無傳余故不惜日力悉心校

勸百世而下讀公之書知公之勤學如此可以興矣
至其書之不廢舊注兼綜眾說足與朱子集傳並傳
世固知之無俟論云是本舊藏毘陵用九松遷叟家
今在虞山菰里村瞿氏

菰耘文鈔

卷四

九

今吾真山菰里村瞿氏

世固知之無俟論云是本舊藏毘陵用九松遷叟家

今吾真山菰里村瞿氏

世固知之無俟論云是本舊藏毘陵用九松遷叟家

跋家藏黃庭碑

孫過庭云黃庭怡懌虛無唐時當有真本獲見覈其語則此碑與穎上本去真蹟不遠碑舊爲麟洲奉常所刻奉常出先觀察竹嶋公門下故公得之嘗置園中澹然菴內旣園易主碑轉入同里曾氏先君子貸錢贖歸病中猶注目不置然則予之寶之又徒名蹟之足重也

菘耘文鈔

卷四

三

隨之頃電出

與朝融誠中雖五月不置然照予之寶之又徒名

中察然畫內測圖長主新轉入同里曾氏先君子

與修奉常出先觀察竹嶋公門下故公得之嘗置園

帶限此碑與賦上本去真蹟不遠碑舊爲麟洲奉常

所刻奉常出先觀察竹嶋公門下故公得之嘗置園

知家藏黃庭碑

管雪泉玉峯寄隱圖跋

尚里管君倚巖以其先德雪泉先生玉峯寄隱圖索
余題識請之再三不獲辭展讀之知先生嘗寓居玉
峯之左曰楊文莊隱居味道好遊未遂爰繪圖以寄
於先民之所謂玉山雅集者有餘慕焉余撫此竊有
感矣憶少時隨先府君寄居鹿城中一時詞人先後
輩出俱獲款洽年來老成零落猶有潘確潛張石芸
諸君子支拄其間風雅未熄余雖客授虞山不常往
遊而平居魂夢依依輒在玉山下亦不自解其何故
菘耘文鈔 卷四 三

也今倚巖以先人踪跡所在仍留其地從諸君子遊
誦芬述德歷久不忘可謂賢矣時雖無金粟道人乎
而袁子英陸良貴諸人固不乏也余曠覽世故恒戚
戚於懷將與倚巖訂耦耕之約屬其告諸確潛諸老
毋遐棄余焉

石墩山民小傳

虞山東距五里有巨石蒙叢負土而起曰石墩蓋山之支脈也墩旁有宋參謀馬公墓明永樂中參謀曾孫名儒者居其地嘗與桑溫州同修邑志交遊多聞人而石墩之名遂著後有郎懶菴孫楚卿並工詩歌以隱逸稱二百年來風流閫寂矣近則籍籍稱顧君不置君少嬰末疾應童子試不遇旋棄去似於諸先生無能爲役奚以獲此稱哉蓋君學雖未成而性嗜古甫入塾卽喜金石文字凡鐘鼎篆籀書搜羅畢

菘耘文鈔

卷四

三

備得漢唐人碑本摩挲不厭繼得顧氏范氏集古印本及張夷令汪秀峰所撰諸書遂癖嗜印章時同里瞿君子雍喜購秦漢以來官私印君自度力不能競迺專覓元明以及國朝諸名人所鑄石印雅善鑒別市估不能欺以贗遇春秋佳日雜陳於前自謂至樂最後得學山堂印數百方於婁東畢氏吳中劉氏皆精好完善遂仿周櫟園印人傳每人著小傳系所鈐印後記其出處學術爲詳書成名曰印苑又嘗彙錄前人論印雜說數十種曰篆學瑣著刊行於世虞

山故多藏書家。又好校印古籍。汲古毛氏昭曠張氏其最著者。君雅慕遺風。築精舍置書數千卷。研討小學之暇。復舉前賢著作。不經見者。校讎刻之。得數十種。曰小石山房叢書。邑人士聞其風雅好事。多貽佳編。或命駕訪之。吳越書估以秘籍求售者。艤舟墩畔。不絕由是。石墩顧氏之名播於遠近矣。惜其性卜急。平居不善攝生。所著錄率未就。剞劂亦未竣。而積勞成疾。歿爾。厭世悲夫君名湘字蘭江一字翠嵐。自號石墩山民。太學生先世及子。姓嫁娶生卒年月詳行。秘耘文鈔

卷四

三

狀不著

東倉外史曰。余遊寓虞山數十年。而館君家尤久。君學文於余。不喜舉子業。而喜論小學。余亦資以參究。略窺古聖制作之原。所謂師弟相長之益。歷二十載。如一日也。君既歿。子崇福等乞爲傳。余畧其庸行。而詳著一二好古之事。蓋以君爲藝術中人。後之脩邑志者。必不能遺其名也。惟是余客館淒涼。忽忽如有所失。眺望石墩。見有滄然雲起。忽成五色篆籀之形。疑君之神靈棲止其中。輒欲呼而問之也。

瞿融之傳

君姓瞿氏諱秉冲字融之世居昭文東鄉菰里村我友子鏞學博之季子也母屈太宜人而敏慧風儀秀朗學博歿時年方髫鬣頭角嶄然稍長受業譚小石茂才王文村孝廉爲詩文斐然成章出應學道試再進再紕遂以國子生循例爲員外郎今年春入都就官將應京兆試旋分兵部於武選司行走上游器之試畢忽感時疾踰月增劇卒於京邸同鄉諸友殯之訃至家老母寡妻泣不成聲戚友痛悼其兄秉淵

菘耘文鈔

卷四

四

秉清尤哭之慟將飭紀綱扶襯南還卜吉以葬屬余略述事行以乞海內能文章者之銘誅余館君家與君舅弟習每見君恂恂儒雅無子弟之過寒窗燈火不懈益勤間與譚議饒有餘局意前程所至未可量也豈謂出門抽軸有如是耶君詩文外兼工書楷法秀逸似趙文敏雅愛名人手帖每購得輒呈其師及余品定眞贗喜動顏色其抵都也攜之行篋昕夕諦玩故所製赤牘詞翰俱佳歿之前月猶作書貽師與余乃情辭綢悉翰墨斬新而君已不可作矣悲夫生

於道光十六年四月初四日卒於咸豐九年十月初
七日年甫二十有四例階奉直大夫配楊宜人同邑
惠州太守諱希銓之第七女無出以兄秉清之次子
啟科爲後著有制舉文一卷試律詩若干首藏於家
贊曰學博家富藏書生有丈夫子五人皆助以學殖
往歲過其家塾絃誦一堂洋洋盈耳蓋義方之教嚴
矣其長君之卒也會余亦遭亾兒之變嘗顧余寓齋
執手慰藉相顧唏歔今距學博之逝已十餘載矣授
餐君家飽觀圖籍方幸後起英英珠聯璧合詎意又
菘耘文鈔

卷四

五

遭季子之戚也。棖觸前塵，能無有槩於中乎。

沈翁用高傳

沈翁祖孝字用高奉常日峯公之五世孫父延慶翁少孤撫於從祖敬亭光祿以養以教迄於成立弱冠補博士弟子員有聲庠序工詩得光祿之傳長篇鉅製滾滾不休兼工筆札每客游於外或隨侍光祿或爲大府幕與一時知名士訂交唱和無虛日道光祿夫官翁亦倦游而歸杜門不出饗殮不繼輒吟詩以自遣錫疇生晚不獲見翁先府君與翁子婦胡氏爲中表兄弟行故識翁每言翁嘗以庭中芭蕉葉手書菘耘文鈔卷四

其詩與府君府君藏弄之惜合失之矣翁娶王氏子長學敏字遜時次學敬字穎生俱仁厚性成家落後爲桐子師自給學敏少時嘗於途申拾得錢鈔一紙若干兩手道左俟其人尋至還之學敬亦能詩與府君爲莫逆交錫疇幼時嘗見有詩稿二巨帙歿後子恩科亦亡竟無後而兩世遺詩盡失矣悲夫

沈氏表姑傳

表姑姓胡先府君舅氏羽宗公女適同里沈遜時丈
丈父用高先生敬亭光祿從孫也沈與胡俱里中鉅
族于歸時門第猶盛食指繁多姑摒擋家政內外秩
然先生既歿丈廢學習賈家遂中落姑布衣蒿簪終
其身無怨言生二女舉子每不育嗣子亦亡晚歲多
寄食族昆弟家困苦不堪姑輒安之時來余家爲余
道白漣贈公敬亭光祿軼事余聞姑至喜就與言長
而讀贈公光祿詩文集若素所誦習不解其故旣而

菘耘文鈔

卷四

七

思之皆姑所述惜其時幼小無知未盡記憶也嘉慶
九年歲饑府君至吳門訪友余倦讀思府君不見爲
淚下先妣曰兒豈餓耶急食以餅餌值姑至先妣告
以乏食故姑曰無憂昔年吾家白漣公困時遇歲除
炊烟不舉抱其子登樓而望曰天無絕人理言未畢
忽有戚家肩囊粟以餉者因摩余頂曰文人所遭始
困終亨往往有然汝輩宜勉之今錫疇忽忽老至困
乏如故微特負府君先妣於地下并亦負姑之期望
追理前事愧恨何窮矣姑歿於道光某年生於乾隆

十二年七月二十八日年七十餘歲

菘耘文鈔

卷四

天

沈節母傳

沈節母余族姊也。明江西按察使竹娛公八世孫女。庠生慨圃公次女。適同里文學沈恩。恩字鶴山。爲敬亭光祿族曾孫。束躬自愛。媚學攻文。嬰瘵疾。早卒。無子。姊苦節自守。平居寡言笑。肅若冰霜。其事姑以孝。處娣姒以和。撫嗣子以慈。夫弟亦貧。每至饗殮。不給。恃紡絮以活。其兄嘗邀至家。數日卽返。曰。未亡人。餓死於家。亦其分也。況堂上老姑。可失奉侍乎。其未嫁也。與嫂氏相親如姊妹。結縭之夕。兩嫂送之。墮淚不菘耘文鈔

卷四

无

止曰。家無小姑。失左右手矣。嗚呼。雖嫂氏之賢。亦姊之淑惠。有以致之也。道光二十五年。邑中以其節行。請大吏聞於朝。獲旌門如制。閱二年卒。年五十。有六嗣子。啟泰。

誥贈奉直大夫亦溪顧君墓記

君姓顧氏諱濂字景宋號亦溪昭文縣人先世居錫山張涇橋有諱肇者與虞山孫氏有連孫故有田廬在東郊之石墩肇依之其後子姓繁衍遂世居其地曾祖煥文祖天源二世俱有善行天源皇旌義士父士銓國學生貤贈宣武都尉母朱氏前母王氏俱贈恭人都尉有兄曰士奎貤贈承德郎無子都尉生子三長曰湘嗣承德後次曰浩次卽君承德性樸厚都尉警敏善治生昆弟相依儉力趨時遂以起家終身未析產君與兩兄克承家訓雍穆無閒都尉教子嚴策精舍延師訓課君入塾受書發口清朗六經四子書背誦如流甫操觚卽有思致嘗從余遊數年復受業曾叔巖孝廉之門藝日進屢試童子軍俛得而失會都尉猝中風患手足不隨口不能言遂命君與兩兄共理家政未竟其學人共惜之君性謹約不驚華飾雖處饒裕凡携蒲聲色之好一無所染明達善斷兩兄恆就以諮度曲中事理都尉嘗曰是兒劇似余故尤愛之族繁多不給者君嘗約兩兄請於父母

設義莊以贍之。未幾都尉歿。君旋繼。逡遁不果。今君子介福。森福偕仲父及從昆弟等。克成其事。君亦可慰心於九原矣。君生嘉慶十七年十二月二十五日。卒道光二十一年三月二十九日。年甫三十歲。娶丁氏。例授奉直大夫鳳池公長女。繼沈氏。例贈儒林郎少溪公第三女。俱贈宜人。子三介福。好學攻文。方就試。有司森福國學生。候選光祿寺署正。加二級。君遂得贈奉直大夫。增福。殤女一。適國學生胡兆鴻。孫男四。炎。瑞。柎。瑞。介福出。鍾。瑞。鎔。瑞。森福出。孫女二。俱幼。

菘耘文鈔

卷四

三

一許字李福。塋介福等於道光二十四年。葬君及二宜人於周神墓東。轉號新阡。未及爲銘。幽之文閱十六年。爲咸豐庚申歲。以義莊旣成。且獲膺贈典。遂具狀請余爲文。以揭於阡。并系以銘曰。持身寡過。克家之賢。云胡薄祐。有志無年。天植其家。幸哉有子。義莊峩峩。於千萬祀。

沈山人墓碣

嗚呼是爲長洲沈山人之墓山人諱榮字石薌先世吳江人父嵩秀號竹村徙居長洲工山水厯游齊魯幽燕慕義好施人稱善士生六子君其仲也少承家學善寫生喜畫牡丹傅色妍麗姿態如生人謂之沈牡丹尤擅畫蘭後挾其技游淞泖遇改山人琦一見契賞然改嘗箴之曰子之能事猶嫌院氣多而士夫氣少遂與切磋久之畫益進改嘗使之捉刀人不能辨一時有二薌之目君曰石薌改號七薌故也無何改歿君爲經紀其後事並屬友刻其詞稿行世凡改與之赤牘裝潢完整時出展玩每與友人譚改軼事歛歔泣下不止晚游虞山愛其清淑遂久留致和道觀會任城李公季方爲常熟令雅知君延至署敬禮不倦公多惠政不二年卒土民思之爲築李公亭於桃源澗上君時至亭中徘徊不去已而公子琴舫大令殉節江甯君聞信轉悲爲慰曰父爲循吏子爲忠臣可無憾矣自是漠然無所嚮隻身元房顧影悲詔知舊知其狀多具縑楮侑幣給之然君雅自矜重不

多作也。今年春訪華亭令姚公留數月。會今蘇州太守薛公時任松江亦愛其畫厚贈之。既返虞太守卽屬常熟令周公延致之。而君已疾卒道院矣。年六十有三。生於乾隆五十九年八月十七日。歿於咸豐六年十一月廿五日。娶陳氏名冠英善畫梅自號梅仙。先十九年卒。君遂不娶終身。君四歲喪母曹育於繼母何兄大森幼慧善屬文年十八瘵卒。妻氏高哭夫旋殞。諸弟皆未娶。卒君亦無子。遂以李氏甥之子爲後。君篤於倫紀自傷貧賤先德弗揚嘗丐覺阿上人菘耘文鈔卷四

三

爲竹村公傳勒石以藏。又繪秋宵聽雁圖自題長歌。縷述門內事悲愴不忍卒讀。虞山勝地藝士率來栖止。有貧不能歸者君輒資之。昔人論書畫爲氣志所流露。君性情真摯宜其繪事之工。超出流輩也。惟中年善病喜逸惡勞居常臥游時多握管時少足跡不出百里。名未遠著惜哉其歿也。虞山友人曹君和卿朱君肖梅袁君雪莊相與殯之。卜地於破山興福寺之南擇吉以葬。屬余爲文以誌於墓。銘曰。蘇臺畫史。虞山寓客。生也多窮。死也不歿。

812
1



上海古籍出版社
150
1

上海古籍出版社
150